



O MILLOR CHISTE DO ANO... Na xuntanza de prensa ós corres- ponsais estranxeiros oferescida por Franco, ó referirse a Unión Soviética díxo moi pimpante: "Na miña opinión persoal, coído que Rusia trocou como consecuencia da morte de Stalin e a eliminación de Beria. E' por elo, que xurdeu un troque fundamental no sistema ó intervir o exército no goberno de Rusia. Porque —engadín moi rufo o Candillísimo— os militares somos moi parecidos en todo o mundo naquelo de que nos gusta a liberdade... (?)

NUNHA PRESTIXOSA revista galega desta capital co gallo de se estar a cumprir o centenario do grande músico Chané, aparés unha nota que, de tomar ó pé da letra o que o autor escribe, feriamolle de decir algunhas cousas que posibelmente iñera ou non quixo reparar nelas.

Enceta a devandita nota nos termos seguintes: "Este ano de 1956 si los gallegos supiéramos honrar dignamente a nuestros valores, sería el año de las gozosas conmemoraciones".

Evidentemente, o manifesto mal xenio do autor da nota, revouno a unha precipitación innecesaria e inxusta. Porque outro galo lle cantaría se en vez de escribir "Este ano de 1956 si los gallegos supiéramos honrar dignamente" etc., puxera: Neste ano de 1956 os galegos teremos ocasión de conmemorar etc., non mancaría a suscetibilidade dos emigrados. E pense o que lle pete o autor da nota, cidadanos que é un tanto aventurado pór en tela de xuízo a emoción patriótica e os seus deberes coa Terra dos emigrados galegos de Bós Aires, o que nos leva a pensar, que este señor chegou de turista as Indias Occidentais hespañolas e, craro está, non pesudou a Galiza Emigrada, a Galiza Ideal de Castelao...

MAIS ADIANTE, na nota en cuestión, eicrama o autor todo ele pobuído de santa indignación: "Digamos finalmente que cuando la pérdida de Cuba por la intervención cobarde de los Estados Unidos".

Tate tate! ¿De veras Don Fulano que vostede doise da perda de Cuba? Non nos colle de sorpresa, non. I elo, non fai máis que confirmar certas coincidencias cos hespañitas que sinten saudade dos pendóns imperiais con águas bicéfalas portadas con man de ferro por Dofia Isabel...

¡AH! E APROPOSITO de Coronel Ortiz... Que quen é este persoaxe? Pois Coronel Ortiz, asin gordecho, con esa faciana de papabrevas con que aparés na litografía da época, é un dos corenta e tantos mil galegos que non ben destetados liscaron da Terra pra non lembrárense máis deia, salvo, craro está, no caso especial dunha alta de diputado.

E que fixo a prol de Galiza o Coronel de matras pra merecer os honores da nota e sere considerado como un ilustre ourensán? Nada. ¿Se polo menos houbera inventado o lápiz a bolilla?

Coronel Ortiz nasceu o 26 de Outubro de 1853 en Santa María de Gumín (Ourense), e sendo inda un rillote foi levado polos pais a vila e certe.

Ali estudou recibíndose de bachiller en filosofía, de dereito civil e canónico, e non sabemos cantas cousas máis. Polo que se olla, todo un mozo estudoso. Foi liberal do grupo que capitaneaba Castelao; escribiu artigos políticos nos xornais e, como tantos galegos residentes nos Meridies, chegou o intre, lembrouse de Galiza pra facérese nomear diputado "a la española" por Mondoñedo.

Polo que se olla, "ná de ná"... Quer decir: "Ná de ná", máis amodiño. Porque, quen nos díe que o autor da nota non "desenterrou" a este gordecho e pacífico persoaxe por pura cábala?

LOURENZO FRAGOSO.

SANT-IAGO G. NOLLA

No p. do mes de xaneiro, faleceu nesta capital após dunha alongada e dolorosa doenza, o afervoado e rexo patriota galego Sant-Iago G. Nolla.

Nado no Ferrol a principios de século, emigrou a este país radicándose na capital. E inda non cumpríase o traxecto de anos cando o seu inquédo e xurdo patriotismo levouno a porse en contacto cos homes que naquela hora interpretaban os ideais dunha Patria Galega ceibe e soberán.

E' así, que Sant-Iago G. Nolla foi un dos fundadores da histórica "Sociedade Nazonalista Galega Pondal" que, con Vicente Barros, Zapata García, Liño Pérez, Lamas Barreiro, Moisés Presa, Manoel Oliveira, Ramiro Illa Jouto, Paco Sánchez, Clemente López Pasarón, Manoel J. Soto Marcos, Camilo Cantón, Ur-

bán Hermida, Xosé Barril, Daniel Nogueira, Ricardo Flores, Lois Ares, Manoel Sal' res, Eladio Lousada, Antón Castro, Ramón Alonso, Bernaldo Souto, Antón Seixo e Xosé Domingo ez aleivosamente fusilado en Tul polo falanxismo hespañol, e outros, foron os precursores en América do nacionalismo galego.

Porque inda que de vello hoube en Bós Aires i en outras cidades americanas homes i entidades que encetaron un ronsel de galegaldade, foron os homes da "S.N.G. PONDAL" quenes, cun craro senso da realidade nacional do noso país encetaron barilmente o primeiro movemento político enxebrememente galego; que levaron a rúa e dende a valente tribuna de "A FOUCE" os antecedentes nacionaes de Galiza e as arelas de liberdade pra o seu povo.

Os comezos foron duros pola in-

GALIZA PRA OS GALEGOS

por BIEITO CUPEIRO

doadamente enxerguemos a orixe dos nosos problemas, máis nos convencemos de que a Galiza lle non queda outra perspectiva de solución dos mesmos, que na separación total do Estado Hespañol. A nosa Terra é unha perfeita nación con todas as modalidades, necesidades e problemas que de tal feito remanecen. I esta realidade, que recoñecen todos cantos posúen unha elemental capa-

cidade política, faise mester complementala facendo uso dun dereito indiscutibel: o de crear e dispoñer dos seus propios instrumentos de goberno, e decir, orgaizar o propio Estado. "Galiza é a única patria dos galegos", e a ista indiscutibel realidade temos de axustar a nosa conduta se queremos concretar en feitos as arelas de progreso e redención dos nosos eidos. Pretender buscar solucións por roteiros tripados en 473 anos de fracasos, perpetuando o desbaraxuste reaccionario e cavernícola; sói nos levará a novos desastres, fracasos e desilusións.

DIXO CASTELAO

Os galegos non discutimos o dereito de Galiza a ser unha nacionalidade, porque Galiza xa é unha nacionalidade. Discutimos o dereito que, como tal se lle debe, i exercemos un deber cando reclamamos ese dereito. Galiza, pois, pode enfrentarse co Estado hespañol, en demanda dos dereitos que Castela lle usurpou e

usurpa, porque os necesita para pór a producir todos os atributos da propia nacionalidade e crear a civilización que a súa cultura determina. Se os dereitos das nacionalidades están hoxe recoñecidos pola concencia internacional é porque tamén se lle acordan deberes indeclinables a prol da civilización. Eiquí é doado que un castelán nos pergunte se Galiza non ten deberes que cumprir coa Hespania, e nós responderiamos que si, pero sói cando o Estado hespañol respéte a personalidade e os dereitos naturais da nación galega. Porque se Galiza ten deberes que cumprir con Hespania tamén ten deberes que cumprir coa Humanidade, e os galegos somos universalistas primeiro que todo. Galiza ten o deber de contribuír á civilización universal e as súas obrigas escoden do marco do Estado a que pertence. E sómotes preservando as nosas enerxías autóctonas, a nosa capacidade creadora, é como poderemos contribuír á civilización universal, incorporando a ela as nosas creacións inéditas. Isto imponnos a obriga de sermos cada vez máis galegos. O "enxebriemento" ten este outo senso de humanidade, que non saben ver eses homes mediocres do "rexionalismo ben entendido" e panxistas, os do "primeiro hespañolismo e despóis galegos". O noso deber nacional obrigáncos a conservar e a desenrolar a tradición galega na fala, na arte, no pensamento, no dereito, no traballo, e a botar abaixo todos os impedimentos que se opoñan a elo, sexan os que foran.

A. B. C. de Corcubión elixiu novas autoridades

O 25 de xaneiro prósimo pasado, A. B. C. de Corcubión en Xuntanza Xeral escolleu novas persoas que han rexiren os destinos desta prestixiosa e progresista entidades galega perante o período que se enceta, recaíndo os nomeamentos nas seguintes persoas:

- Presidente, Don Serafin Aguiar; Vice Presidente, Don Perfecto López; Segredario Xeral, Don Ricardo Montero Trillo; Pro Segredario Xeral, Don Xosé Canosa Canosa; Tesoureiro, Don Manoel Canosa Puentes; Pro Tesoureiro, Don Xulián Ibarra; Contador, Don Xosé Lema Novo; Sub-Contador, Don Emiliano Santamaría; Bibliotecario, Don Francisco Fernández Villar; Vocais Don Manoel Lema Leis, Don Delfino Sánchez, Don Manoel Baço, Don Manoel García Varela, Don Francisco Soto, Don Xaime Arán González, Don Manoel Pereira Santos.

Comisión Revisora de Contas: D. Manoel Piñeiro Caamaño, D. Xesús Villar Canosa, D. Francisco Piñeiro Caamaño, D. Maximiliano Suárez, D. Xosé Rivadulla.

D. PEDRO CAMPOS COUCEIRO

O dez do derradeiro mes de xaneiro cumpriuse o segundo aniversario do falecemento de Don Pedro Campos Couceiro, prestixioso membro da colectividade galega de Bós Aires.

Don Pedro, que foi unha das figuras máis queridas e respeitadas da colectividade non sómotes pola alongada e meritoria actuación que no seo das diversas entidades foi desenrolando senón que, de xeito fundamental a súa rexia figura de patriota galego interpretáncos con eraridade e barileza as labores a prol da liberdade de Galiza, perfilouse nitidamente no xornalismo, na tribuna i en todas aquelas actividades sociarias en que lle tocou atuar onde a súa figura de patriarca galego era querida e respetada.

A IRMANDADE GALEGA, neste segundo aniversario da súa morte, ó lembrar con agarimo ó patriota e amigo desaparecido, réndelle un afervoado homaxe a súa memoria.

A Agrupación "Galicia" escolleu novas autoridades

O 16 de nadal p.p.d.e., en Asambrea xeral a Agrupación GALICIA escolleu novas autoridades ficando constituídas de seguinte maneira:

- Presidente, Don Xavier Vazquez Iglesias; Vice Presidente, Don Victoriano Ares Barcala; Segredario, Don Abelardo Estevez; Pro Segredario, Don Manoel Vaamonde; Segredario d'Aitas, Don Ramiro Abades; Tesoureiro, Don Aniceta Obarrio; Pro Tesoureiro, Don Xosé Ponte.

Vocais Titulares: Don Pedro del Rio, Don Xesus Gato Lopez, Don Adolfo Calveiro, Don Anxel Romero Lojo.

Vocais Suplentes: Don Amador Sampedro, Don Anton Barros, Don Xesús Fernández, Don Eliseo González, Don Antón Fernández Alén.

Revisores de Contas: Don Manoel Caamaño, Xosé R. Amor, Don Pedro A. Jurado.

Desexáncoslle as novas autoridades grandes e significativos éxitos acarón do noso Centro Galego e de Galiza.

Irmandiños: O Vernes 20 D'Avril as 21,30 hs. a Irmandade Galega Realizará Asamblea Xeral co Gallo D'Escoller Novas Autoridades ¡NON FALLE!

